

續近事紀略

二

リ 5
7868
2



門 5
號 7868
卷 2

續近事紀畧卷之二

秋七月改江戶為東京。征討都督九條澤醜。諸藩疑懼弗服。逆徒殺官吏。以煽動諸藩。

先是征奧都督九條澤醜。三卿率薩長兵八千人。已在仙臺。以指揮地方諸藩。而諸藩往往抱疑懼。不奉其指揮。獨秋田津輕生駒諸藩一意歸嚮。初會藩鎖四疆。脩兵備。庄內亦為之聲援。於是秋田生駒之兵。屢與庄內交兵。秋田生駒每戰不利。

續近事紀畧卷之二

高須
天
藏
書
編
次
記

菊池純

子顯

書編

次記

早稻田大學圖書館
昭和 35.2.15
藏書

既而德川脫兵與仙臺庄內進入秋田遂薄其城。秋田不能自保卽報急於九條氏。先是仙臺米澤二藩奉命征討會津出兵其國疆會津奉書以請。哀於二藩二藩卽解兵備會南部丹羽三春以下十藩干白石身親執牛耳連署請宥會藩弭亂參謀不聽曰令會藩誠謝罪宜當納城及兵杖以表恭順之實。然而出兵於隣鄉盛設防禦策以抗官軍。外示恭順而內包藏禍心安在其為謝罪邪。不知諸藩亦以為何如邪。且又聞之仙臺以下諸藩與於賊者日月盛熾因欲書不省更出兵討會津。

仙臺米澤諸藩素不服官軍藩士咸憤怒曰督將許納而參謀等壅蔽之此挾朝廷以逞已威也。專恣如彼勢不可不誅也。遂要殺參謀世良某鳴罪以煽動南部諸藩諸藩動搖卽謀與俱援會津。九條以下諸卿卽去仙臺至盛岡盛岡素勤王兵士等奉九條醍醐投于秋田時澤公在秋田於是三卿會議發間使報急江戶朝廷大驚削仙臺諸藩主官爵下追討令先是輪王寺宮與執當覺王院脫走在於仙臺仙臺藩奉之同盟諸藩勢益振遂拒絕官軍駸駸逼秋田秋田孤立城陷在旦暮既

而薩州土州佐賀島原平戶之兵。至秋田官軍又大振。先是九條以下諸卿在於奧羽具嘗艱苦。至是衆皆帖然。殆乎有回生之繫也。秋田官軍既已獲勢。援日攻畧其旁近。近郡悉定。諸道官軍亦深入敵地。遂畧取二本松及三春。而仙臺南部米澤庄內之兵。屹然對峙。與官軍相抗。官軍健鬪。遂入仙臺。進取駒峰。是時諸道官軍亦分兵擊南部米澤庄內。賊軍倔强。官軍屢不利。居無幾。白川口。越後口。賊軍悉敗。官軍長驅。進逼仙臺。

八月。禡加陽宮位記。德川慶喜奏請徙駿府。朝議聽之。

初德川慶喜走於關左。加陽宮欲私有所圖。與關左通聲息。發間使動慶喜。慶喜卻之不報。至是事覺。謫於安藝。德川慶喜之屏居水戶。四鄰近邑。干戈未弭。相訛傳云。脫賊且奉戴慶喜以圖事。慶喜憂事變不可測。奏請徙駿府。朝議聽之。至是慶喜屏居駿府。

榎本鎌次郎。松平太郎。荒井郁之助等。率回陽回天。蟠龍神速。長鯨大江。鳳凰七艦。脫品海。

初朝廷收德川氏軍艦。榎本等哀訴不已。朝廷乃

收富士山以下四艦。特賜開陽丸數艦。榎本原熟操艦部下士官亦訓練有素。且其所率開陽丸架大礮二十六門。蒸瀛力兼四百馬。堅牢壯固。號稱本邦第一。是以眾皆依賴。常不懌。主家恭順。其三兵隊脫江戸。榎本等在品海。潛助其計議。至是聞奧羽諸藩相讜起。胥謀曰。以此艦戰。雖傾海內。兵不足慮也。以此兵橫行海上。以為陸軍應援。則大事可集也。因托名干鎮撫。留書而去。德川氏走輕舸。急追之。弗及。朝廷以書辭頗悖慢。讓之。德川氏德川惶懼。不知計所出。朝廷即擬榎本等以海盜。

遂布告外國公使。嚴禁其交通。又令天下毋予糧

餉。

是月官軍入會津。攻若松城。

當是時。官軍已據二本松。分兵攻仙臺以下諸城。而不復問會津。是以會津益嚴守備。分布脫兵梗塞各路。參謀伊地知某與板垣某相議曰。譬之草木。會津根抵也。仙臺諸藩枝葉也。今伐其枝葉。而舍其根抵。隨伐隨萌。則非計之獲者也。不如弃其枝葉。以動根抵。根抵一枯。則枝葉立枯。必矣。且若松之城。自今以往。不出三十日。深雪互寒。不輒得

進軍時機一失。則無為已。即留諸藩兵於仙臺。遂率薩長土大垣大村五藩兵。以八月廿日發二本松。向方成嶺。嶺屬會津二本松封疆。先是賊軍築砲臺於嶺上。至是發巨砲拒之。官軍一戰走之。廿二日。官軍拔猪苗代。賊預撤橋。絕其往來。官軍輒作假橋渡之。擊瀧澤嶺賊亦走之。廿三日直進傳若松城。即日拔第三郭。賊軍大驚曰。官軍輒從天飛來也。乃退入城。初會兵拒官軍。會津川庄內藤原三斗小屋諸口。悉出大兵備之。獨猪苗代人皆負其險。僅置戍兵數十耳。故官軍擣虛奪膽云。官

軍已傳城。日發巨砲。以挫賊兵。渙全軍來。於是賊出守四境者。聞官軍逼城。稍稍棄戍。入保若松城。廿五日。黎明城兵發。大眾侵官軍。官軍敗績。死者無算。參謀即令散兵於四方。城兵不復敢追。既而官兵四萃。午牌城兵復來襲官軍。官軍亦復大敗。會官兵襲城後。城兵果擾官兵乘之。反戰破之。賊軍一敗退。是日尾紀肥前兵進。由白川口。藝州宇都宮。大田原兵由藤原口。相俱擊。沿道賊兵晡時入若松治下。是夜三鼓。城兵襲官軍營。官兵死鬪。擊而卻之。爾後城兵屢乘夜襲官軍。官兵頗苦防

禦當是時。官軍由越後口者。進向會津川。賊阻川拒之。連砦八里。官軍奮擊破其一方。而賊益悉銳力戰。道梗不通。既而官軍在若松者。向賊軍後。賊軍顧之。越後口官軍擊破之。賊兵遂奔守自間道。走入若松城。

九月官軍拔若松城。藩主父子與其重臣諸將出城降官軍。黨藩歸順。奧羽悉平。

九月十日。越後口官軍進入若松。治下以會諸道。官軍官軍勢大振。先是二本松官軍進取天寧寺山。天寧距城不甚遠。可以俯瞰城中。於是用野戰

砲。以亂射城中。城中堅守亦應之。諸軍謀議別築礮臺于城之東南隅。砲擊益急。十三日城兵架夜以襲城東官軍。官軍原不諳地理。一軍崩潰。死傷過半。且日官軍連發巨砲。以彈射城中。榴彈雷轟中。牙城樓櫓。硝烟四迸。城兵震死者無數。一城為之辟易。而城中或放紙鳶。遊戲自如。故示暇餘。既而城西官軍。偏城砲擊。城兵應之。衆殪官軍。十五日全軍齊薄城。從是城兵不復能侵襲官軍。參謀伊地知某與山縣板垣諸人相議曰。懸軍萬里。深入其阻。而曠日彌久。變或生肘腋。未可測知也。何

不凌城踰澗。以決勝敗於一舉。因疏行首。部署諸軍所嚮。先是米澤藩降官軍。官軍命以追討先鋒。進攻城。於是城兵大失。救援兵勢寢衰。初官軍從二本松。直逼城下。出其不意。賊軍狼狽。不暇脩守備。是以糧餼不支。且以東北諸藩屢失利。將乞降謝罪。十九日會藩手代木某。秋月某發使者詣米澤營。米澤避嫌疑。縛使者。送諸土州陣營。土兵廉問。獲其實。參謀相議曰。藩主父子宜當詣軍門降也。城郭兵仗宜當獻官軍也。授事刺日。而後還使者。使者反命。會藩奉命。廿三日。藩主父子及其世

臣等出城。悉降軍門。獻城及兵器。此時會藩重臣某。愧憤其敗亡。手刃妻孥。以自殺云。後五日。仙臺南部。庄內諸藩亦降。既而南部藩復畔。官軍討平之。先是若松城之降。水戶姦黨市川朝比奈等。率其黨數百入水戶。而正黨拒之。不納。殺傷過當。互有勝敗。正黨訴之朝廷。朝廷即發近旁諸藩兵討之。姦黨大敗。市川朝比奈。屢以身免。伏匿下總成田近旁。正黨謀覺之。捕而斬之。初官軍攻若松城。以地方險峻。不能運轉大砲。皆用十二斤砲。是以環攻累旬。頓大兵於孤城下。其不得速奏功。蓋為

之爾雖然東征之役。與羽諸藩率皆慣用解邊留
鉞。而官軍多用後裝鉞。是其所以兵鋒無前。所向
克捷也。

廿二日。以 天皇誕辰。停刑戮。賜酺於群臣。爾後以
此日為天長節。令海內眾庶奉祝其嘉節云。尋改元
明治。

詔曰。自今一世一元。以為永制。四方其體之。
冬十月。天皇行幸東京。

是月三日。天皇行幸東京。有栖川帥宮。以東北
畧定。奉還錦旗節刀。天皇優詔。賞其功勞。其他

皆將士。賜物有差。因詔議東北歸降諸藩處置。

十一月。處分東北諸藩。曾抗 王師者。
召會藩及仙臺。米澤諸藩主於東京。尋幽輪王寺
宮。於西京伏見宮第。板倉父子及其他脫兵。皆囚
而幽之各所。

十二月。論東北諸藩之罪。削封宥死。各有輕重。
特詔減會津。仙臺。米澤以下廿三藩主死一等。幽
諸各藩。削仙臺。米澤以下封三分之一。令同姓襲
封存祀。又分陸奥為五國。曰磐城。曰岩代。曰陸前。
曰陸中。曰陸奥。分出羽為二國。曰羽前。曰羽後。明

年特賜陸奧斗南地三万石于保科氏以存其祀。於是天下之事畧屬平定。

詔岩倉右兵衛督諭英佛米蘭伊寧六國之公使停局外中立令大購求外國軍艦兵器。

以東北諸藩悉歸順天下畧定朝廷乃作書予英佛以下六國公使曰今者奧羽背藩與北越脫兵改圖謝罪崩角歸降絕無復衡行之賊故自今厥後軍艦兵器可以貸可以販唯其所購求勿敢或異議公使等獲書會議累日遂令其人民發局外中立之令於是諸外國聽販賣兵器我政府新獲

甲鉄艦甲鉄艦者德川氏曾自米利堅所贖得今年夏初來於橫港者其初來也政府欲收用之米人揭其旗章固守局外中立令不輒許與之至是政府說諭始獲之蓋我邦軍艦以開陽丸為第一今至獲甲鉄其堅牢無比或出其右

天皇再還幸西京榎本鎌次郎大島圭助等率脫兵取函館遂長驅陷松前

先是榎本鎌次郎率軍艦在仙臺及東北諸藩盡請降無復容身之地大島圭介亦率脫兵去會津走仙臺遂投海軍於是二人相議欲先取函館以

為根據。即發仙臺。至鷺木港。港距函館十里。時函館知府事。清水谷侍從。在龜田五稜郭。佐竹津輕。松前大野小倉。福山兵屬焉。以分守各地。既而聞脫艦逼函館。又奔五稜郭。退函館。遂走津輕青森。遣判事堀某。報急東京。賊陸軍上鷺木港。分兵為二。一則向函館。大鳥圭介將之。一則向嶺下。某々將之。官軍邀擊卻之。大鳥聞之。遣生兵赴援。遂破官軍。當是時。賊將校土方歲三。亦率兵由鷺木港。踰川吸嶺。間道赴函館。攻畧地方。據大野文月二。官兵邀之。七重邑。大破賊軍。無幾賊又大舉來。

戰。官軍力拒。殪賊隊長大岡某。諏訪部某。賊尚不屈。格鬪數合。遂大破官軍。官軍死傷過半。賊兵乘勝。遂拔五稜郭。於是脫艦回天。蟠龍二艦。在鷺木港者。皆入函港。先是官兵與知府事某。同走青森。故函館一空。不復見官軍隻影。賊兵上陸。遂取函館。尋開陽丸諸艦。亦入函館港。則推永井玄蕃。權為函館奉行。布告居留外國人。約與裁決事務。此時賊水軍。率蟠龍艦。進白津洋。薄松前城。松前兵從。各所砲臺。砲擊蟠龍艦。蟠龍在灣中。馳騁縱橫。左右應之。發榴彈。毀礮臺。而陸地砲擊益急。飛丸

中其舳艫。脫艦終不得近城而去。既而賊軍海陸
竝進。大鳥土方等將之。進逼松前。松前兵嬰城力
拒。而藩主在江刺。隊長安田某。自知勢不可支。勸
藩主避兵他國。同藩士鈴木織與田崎東。恚其偷
安誤事。自抵江刺。逼殺安田父子。闔藩騷然。賊兵
乘變徑入城。松前人田村量吉。燔城拒戰。卒死之。
松前悉為賊有。賊軍傳松前城。至此歷五日。云賊
軍已取松前。更欲取江刺。海陸協力。一由松前城
取路於本道。一由五稜郭進軍於間道。榎本等別
將海軍。自乘開陽丸。督水師直抵松前港。下錨江

刺海口。先是松前藩主與其臣屬七十人。去江刺
走津輕。賊海軍輒上陸。取江刺。以俟陸軍來。此夜
風濤大作。軍艦掀翻。纜為之斷絕。即倍蒸氣力。且
避暗礁于洋心。既而風益烈。濤益激。軍艦忽為暗
礁所觸。擊賊衆失色。函館賊兵聞事急。發回天神
速二艦救之。二艦為暴風所阻隔。不得輒近。裁轉
海路而去。榎本等居開陽艦中。凡四日。而風徐定。
即挈兵器上陸。後經十餘日。全艦盡破碎矣。賊軍
歎惜。如闇夜滅燭云。當是時。官軍設關于小沙子。
及稻倉石。要害守之。賊將土方歲三等。率兵數百

一鼓走官軍。轉戰遂抵江刺。賊別軍由間道進拔
稻倉關。直逼館砦。官軍固闔砦門。發大小二砲。拒
之。賊以踰越險阻。不能備。大砲獨以小銃接之。忽
有二賊兵馳騁如飛。潛身過門扇下。從內開之。以
導賊兵。賊兵吶喊闖入門內。官軍力拒。部伍大擾。
紛拏狼狽。殆乎不辨彼此。官兵三上長順。右手揮
刀。左手持俎。與賊隊長伊奈誠一相輅。遂斫伊奈。
賊橫田某提短銃馳而救之。又斫之。又有二賊奮
槊從後縱三上。三上遂殪。當是時。官軍敗績。賊盡
拔諸砦。自本道進擊。會賊別軍亦集。遂合兵赴熊

石。熊石亦不見官兵。賊軍再還五稜郭。於是軍艦
礮臺相俱連。發空砲。蓋祝畧取其地方也。榎本等
遂見函館在留各國領事官。及英佛船將。告已裁
決港內事務。英佛船將居間。欲請我政府解兵。從
容慰籍。榎本等。榎本等謝其厚意。因曰。願得擁立
德川氏一血族。開拓蝦夷。世世子孫。掌管北門鎖
鑰。即作書。价英佛船將。呈諸政府。既而賊兵等。權
議置其首長。令群眾公選之。乃推榎本鎌次郎為
總裁。松平太郎為副總裁。荒井郁之助。為海軍奉
行。大鳥圭介。為陸軍奉行。蓋準擬米利堅合衆國

公選之例。以衆望定之也。遂以五稜郭為本營。函館。松前。江刺。皆置奉行。以綜理地方庶務。先是朝廷聞脫賊據有函館地方。令德川氏討之。德川慶喜請自往討之。朝廷弗許。更命水戶藩主討之。至是朝廷覽榎本等書辭無禮。益怒。大令天下征脫賊。當是時。賊軍已失開陽丸。兵力為之削弱。政府獲甲鏃艦。水軍大振。是歲著日誌。梓而頒布天下。令衆庶普知政令所由。又造楮幣。蓋以國用不給。新造楮幣。以明春布行海內。又與

伊斯波尼亞國結條約。令英人築各地海港燈臺。以便航海鍼路。

己巳二年春正月。近畿關西諸侯入朝賀正。

是月五日。浪士某殺橫井參與于退朝之塗。無一人知其故者。或曰。橫井氏居常有變更政體之說。其嫉惡之者。誣以邪說。故浪士信其說。以致有此事云。

二月設公議所。徵諸藩士為議員。縱議政道。後改曰集議院。蓋戊辰更始際。踐廣興會議。決萬機於公論之。教誓也。

廢撤函根以下諸道關門。以通行旅。尋允發行新聞誌。又除磔罪火刑。

三月設待詔院。以納衆庶建言。後設之集議院中。天皇再臨幸東京。遂發水陸兵討函館脫賊。

先是名公卿諸侯于東京。至是四方牧伯皆會萃。輦下朝廷。因諮詢政道基本。蓋亦採其公論。爾既而盡罷就國。從是。天皇永駐驛于東京。人皆以知內旨。在遷都云。當是時。朝廷方討伐函館脫賊。宣布諸外國公使。盡避在港外國人。海陸官軍並進。伏水親兵及函館府兵。其餘薩州。細川。長州。備

前。水戶。藤堂。久留米。福山。弘前。松前。大野。黑石。諸藩。陸兵凡六千五百人。分日向函館。水軍則品川。四方一。土方堅吉。赤塚源六。中牟田倉之助。岡啓三郎。石川貞之丞。山縣久太郎等。率甲錢。朝陽。春日。丁卯。陽春。諸艦。先發甲錢。丁卯。春日。諸艦七隻。達于南部宮古港。函館賊兵聞官軍大舉來討。即計議決策。遣荒井郁之助。將回天。蟠龍。高尾三艦。先發函館。升五日。質明。軍艦一隻。揭亞國旗章。破浪疾來。吾軍以謂是外國船耳。不復加意。既而其艦窺我無備。忽撤亞旗。樹國旗。發巨砲。直衝甲錢。

我艦始知其脫艦回天。相視駭眙。急加炭火於蒸
氣。鐘不暇運轉。發砲。賊兵大塚某、野村某、揮刀
突跳入甲錢艦。官兵品川某、土方某、脇某等、揮槍
輅之。立殪賊。賊船將甲賀源吾倚回天艦。甲板發
五十斤砲。中於甲錢甲板。官兵多死傷。既而諸艦
四萃。爭砲射脫艦。彈丸霰集。甲賀左右指揮善操
船。是以用回天艦。縱橫馳驟。不唯手足。官兵或用
小銃狙擊賊將。傷股及腕。甲賀弗屈。益勵眾力戰。
官兵擊殪之。賊兵褫氣。脫港而走。我艦追躡弗及。
此役賊兵欲奪甲錢艦。凡海軍樹他邦章旗。及港

內戰合。揭自國旗章者。則海軍之法。常所施行。故
賊兵用之。回天艦以襲擊我也。初回天諸艦之來
函館也。蟠龍高尾。為風濤所阻隔。漂于海上。高尾
艦亦傷損。其機關泊宮古港。不能進戰。船將古川
某。與其僚屬七十人。縱火於艦上。陸降于森岡藩。
是日官艦追回天艦。途見高尾。近而視之。火發於
艦內。不復見。隻兵乃棄之去。於是官艦相約。直向
函館。賊兵即勒回天蟠龍千代田三艦。日夜巡視
函館港內。以備非常。又分陸兵守五稜郭。函館松
前。福島之要地。乃布告事於在留外國人。避兵於

他邦。四月長陽諸艦亦至。與羽遂與甲鏡。春日陽
春。丁卯諸艦以其八日發青森。九日黎明過江刺。
上陸兵于乙部村。陸兵直上山。據要衝。賊聞官兵
悉上陸。率兵來戰。官兵據高俯而擊之。官艦亦橫
砲擊賊兵。賊兵一敗。退隔川。戰官艦。轉逼江刺。賊
兵駭顧。遂走松前。官兵進取江刺。十一日官軍攻
松前城。分兵為二。一由江刺口。一由鷄邑口。當是
時賊軍且復江刺。大呼豨突。直衝官軍。官軍逆戰。
賊兵剽悍。善用銃鎗。官兵死者無算。爭棄兵器。遁
唯別軍進於木古內二股者。大破賊兵。十三日官

軍乘大霧襲木古內二股之賊營。賊伏兵於山間。
亂射官兵。官兵死鬪不得進。既而大戰。木古內口。
官軍敗績。此時仙臺脫兵五百人來投賊軍。賊軍
大振。賊兵在於松前城者。聞木古內二股之大捷。
大舉且逼江刺。十六日晡時進抵清部邑。官軍偵
知飛春日艦。近陸砲擊。陸軍亦應之。海陸竝進。大
破賊軍。斃其士官數十。殘兵皆走松前。十七日官
軍海陸竝進。薄松前城。賊據本道拆戶砲臺拒戰。
狙擊殪官兵數百。官兵不能進。別取路於山間。賊
以別軍邀之。官兵奮擊走之。繞出拆戶後。因與本

道兵夾擊之。當是時，官軍諸艦已逼松前城，發砲擊碎砲臺及城郭。賊軍彈丸空匱，裝大砲以小丸防戰甚苦。既而小丸亦竭，海陸官軍攻擊益急，遂大破賊軍。日昃，賊終走福島。官軍即取松前城。賊軍尚堅守福島，尻打木古內諸營。十九日，官軍又冒大霧，侵木古內賊營。一營踏籍，官軍乘之，擊走之。會賊兵在尻打者，聞木古內之敗，襲官軍後，敗兵反戰，夾擊官軍。官軍敗走，賊又復木古內。廿五日辰牌，官軍別攻二股口。賊兵堅守不屈，屢更生兵來戰。砲聲震遠邇。日已晡，勝敗未決。兩軍交綏。

廿四日，質明，官軍率甲鏡、春日、長陽、陽春、丁卯五艦進函館港。賊軍運轉回天，蟠龍、千代田三艦輟之。砲戰交當，海水為之洶湧。日加午，官艦退休兵。既而四面進萃賊艦，賊自度其不易當，即預測遠近距離，佯退誘官艦。港心官艦咄嗟追之。於是砲臺彈射距離不誤尺寸。丸無虛發，中朝陽之甲板。官艦不屈，挺進逼之。而砲臺彈發益劇。官軍原不熟操艦，是以不能冒險深入。遂收軍退。是日二股之戰，勝敗未決。賊兵力戰一鏡，動至千發。鏡熱不能把握，乃貯水於盤，且灌且彈。云：明日賊兵數百。

踰砦侵官軍官軍辟易避之百許步監軍駒井某
從山上俯瞰之憤恚不止提手下兵馳而衝賊隊
賊兵大擾官軍反擊大破之賊兵敗走退守諸砦
此役兩軍死傷者四百餘人監軍駒井氏亦中流
丸死廿九日昧爽官軍海陸竝進逼矢不來陸軍
亦分兵由兩道進大鳥圭介以見兵五百來戰官
兵欲擊賊左翼攀登道旁邱阜賊兵預結柵山腹
狙擊官兵官兵敗衄既而官兵奮進大破賊兵甲
鏡以下五艦亦近岸橫擊賊軍又發百斤彈連擊
碎砲臺賊軍崩潰死者無數遂棄守走集於五稜

郭及函館於是水陸官軍進取砲臺尋抵有川

夏五月官軍大與賊兵戰海中迭有勝敗既而賊軍敗
衄盡來請降於軍門

是月二日官軍進抵於七里濱及大野邑賊兵乘
夜襲七里濱軍營官兵大敗退舍追分明日賊又
乘暗侵大野營官軍苦戰擊卻之四日質明官軍
戰艦又逼函館賊軍以回天蟠龍千代田三艦逆
戰與砲臺相應連擊官艦砲響雷震山岳為之動
既而有二飛丸一中蟠龍蒸氣罐一斃砲臺兵卒
數十賊軍辟易從是應擊頓衰以日全昏兩軍收

兵五日黎明官艦皆泊在函館近海。忽見一賊艦來近。徑馳向甲鍊長陽二艦。二艦逆砲擊之。賊艦弗應。徐進。衝甲鍊。甲鍊方疑官古港之變。跋巡避之。長陽橫擊。發砲挑戰。賊艦尚未應也。終突過二艦間。去。二艦大怪。就而視之。聞不見一人。機關悉破壞。二艦輒奪之。賊兵望見。相嘲笑曰。是所謂死諸葛走生仲達者也。蓋昨夜千代田艦衝暗失路。誤觸暗礁。不能進。船將森本某不知計所出。倉皇疾呼。自壞其機關。碎砲門。乘輕舸上陸。榎本等讓其倉卒誤事。罪為水卒。士官市川某深愧其失策。

自屠以謝罪於群衆云。既而潮至。艦亦隨而浮游。故漂流以到此也。七日官軍諸艦盡發。有川近海。向函館港內。賊兵以蟠龍壞破。不可運轉。寘之砲臺。近旁權為浮砲臺。獨縱回天一艦。以當官軍諸艦。時甲鍊發三百斤彈。斃回天賊兵數十。又擊碎蒸氣機關。是以回天亦不能縱運轉。賊兵遂上之。淺渚亦為浮臺。砲射官艦。彈丸適中其艦。官兵亦有死傷者。是日官艦近逼賊艦。賊艦多用小銃防禦甚苦。若令官軍攻擊盡力。覆其賊巢。一舉足之勞耳。唯其不熟水路。遂不能窮擊而止。八日陸軍

官兵屯于七重大川二邑。時已夜。賊將古屋某率見兵三百發五稜郭。會大霧雨。官兵弛備偃卧。賊兵乘之直侵其營。一營大駭。蹶起接之。咫尺暗黑。不辨彼我。官兵自相刺擊。死傷過半。賊兵奮擊蹂躪而去。是夜賊兵大川某亦率兵數百赴七重邑。乘風雨縱火陣營逼之。官兵力戰擊卻之。九日大鳥圭介率兵八百侵七重邑。官兵預設伏于大川赤川近鄉。覘賊來逼直起擊之。賊兵敗走。官軍追躡。以日昏遂收兵還。當是時官兵大舉水陸並進。四面逼函館。春日陽春二艦以十一日昧爽先出。

函館背別發輕舸進陸兵寒川邑。伏兵於山中。以蒺藜來。既而甲鍊長陽丁卯三艦首尾相銜以薄函館前面。是日蟠龍修理竣功。賊兵放之於海。與浮臺砲墩相應擊。縱橫當之。會山中伏起大破賊兵。春日甲鍊諸艦與蟠龍相馳逐。殆乎將獲蟠龍。而賊將松岡盤吉善進退軍艦操縱如意馳騁合法。令砲手永倉某發那字烈翁砲榴彈飛擊中長陽艦。硝匱玄烟騰上聲震十里。軍艦沈沒不復留。片板賊兵拍掌連呼曰快甚矣。官軍飛輕舸以濟其溺者。由是賊陸軍回兵大破官軍。官軍敗衄走。

七里濱。蟠龍追躡橫擊之。甲鍊春日見戰急直薄蟠龍。左右砲擊殆碎。蟠龍碎易不能復支。走遁砲臺下。悉破蒸氣機。投大砲於海中。縱火回天。蟠龍二艦上陸遁逃。於是賊兵盡失軍艦。陸軍官兵無所顧慮。勇往直前。擊破賊軍。護賊魁土方歲三及首虜數十人。賊軍大敗。殘兵悉走保於五稜郭。及千代岡等壘。官軍遂復函館。是日官賊兩軍鏖戰終日。自卯及酉。官軍復獲大捷。十二日官軍進薄五稜郭。甲鍊艦距郭三十町。連發榴彈不中。船將等乃定距離而後發。為從是百發百中。丸皆

無虛發。壘壁震裂。賊兵死者無數。賊皆為之褫氣。十三日官兵永山某自抵辨天臺。喻賊兵降之。賊兵稍稍歸嚮之。或有唱異議阻之者。永山再赴賊營。見擾本說以順逆。擾本頗有悔悟色。憚部下異議。依違不決。特陳謝其厚誼焉耳。從是賊兵脫軍。竊通款請降者日衆。一日十六日官軍別遣使者。喻賊兵賊不奉命。及凌辱官使。官軍大怒。即分兵為三隊。自七里濱。桔梗野。先進。隊長來島賴三率衆直薄千代岡。飛丸中其右股。不顧而前。與樽澤上山森。首藤。岩見。白子。諸人。或排關。或踰濠。勵衆

進鬪賊將中島三郎助。倔強善戰。與其二子恒房。及柴田朝夷。近藤福西等。上堤力拒。樽澤挺身當。中島七離七合。身被十餘創。流血淋漓。遂殪。中島戰歿。是時官兵亦斬中島二子。及柴田以下數人。大破賊兵。取其陣營。初榎本鎌次郎遊學和蘭。藏奔萬國海律全書二卷。至是以兵已敗。不可復為。輒出貽之。官軍官軍參謀獲書。大悅。乃與書謝之。曰。本邦無二寶。書二卷。惜其歸。烏有辱見寄贈。深荷其厚意。他日譯述。遍布行天下。不獨吾輩幸福。亦天下之幸福。幸勿以為念。因貽五樽酒。謝之。曰。

聊以慰將士之勞。十七日。官兵田島敬藏。喻榎本等降之。賊將等且代衆就刑。十八日。榎本鎌次郎。松平太郎。荒井郁之助。大鳥圭介等。咸詣軍門降。尋永井玄蕃。松岡磐吉。相馬主計等。亦降。後皆押送東京。是役賊海軍。人人精於學。而其所據地形。亦屬險要。是以官軍大費兵力。然而獨甲缺之一艦。堅實完固。受萬丸不少動。賊軍亦為之辟易云。初榎本等。脫品海。佛人三名。俱走。接之。及師將敗。榎本等。喻還東京。政府因告佛國公使。禁此輩居留我邦。公使即罰三人。押送之於本國。蓋以其犯中

立令也。

是月建招魂社于東京番町九段坂上。尋設電信機。以正月三日。五月十五日。九月廿三日。祭祀戰死者。蓋伏水之役。上野之戰。會津之降。以關係天下大事也。尋又設電信機。東京達橫濱。以便公私報告。

六月詔大論賞丁卯以還。有功勞王事者。

頒賜兵部卿官。及太宰帥官。其餘九條左大臣。澤三位以下。并三氏。島津毛利以下。九十餘藩。西鄉隆盛。大村益次郎以下。秩祿若金帛。尋置左右大

臣。大納言。參議之三職。自餘悉改官名。蓋以大寶以降。名之與實不相副。更欲據名取實也。

是歲薩長土肥四藩主。上表論封土不可私有。請奉還版籍。自餘諸侯亦從奏。請之。朝廷不敢輕決。大與群臣會議許之。

遂改公卿諸侯之稱。名曰華族。又新建置府藩縣。三治一致之政法。以前諸藩主。權克知藩事。以一變封建制度。從是天下政令盡歸王家。丞庶擊壤永謳歌太平云。

續近事紀畧卷之二終

續近事紀畧卷之二終

Blank manuscript columns with faint bleed-through text from the reverse side.

